

- 9 Si Boreas post humidam constitutionē ab Austro accersitam reboabit, tempestas in aere palam induci spectabitur. Qui tametsi incipiens parvus esse solet, finiens nihilominus magnus exploratur. nam parvus in egressu, vires acquirit eundo.
- 10 Aquilones aerem longo tempore exercentes, Hippocrati tusses permouent: adhuc urinarū difficultates, horrores, costarum & pectinis dolores, lippitudines siccas, febres acutas, grauedines & atras biles. Ventorum Septentr. morbi.
- 11 Aquiloniæ cōstitutiones eidem Hippocrati corpora densant & cōtendunt: præterea bene mobilia, coloratiora, & melius audientia faciunt: aluos exsiccant, oculos mordent: & si pectus dolor aliquis obsederit, laborem augent.
- 12 Aquilonius aeris status siccus, his qui naturam habent humidiorē confert: Austrinus uerò humidus, qui calidiorē & sicciorē: quia contraria, ut habet ex Hippocrate Galenus, contrariorum sunt remedia. Contraria contrariis sunt.
- 13 Aquilone densiores & materiæ firmitatis arbores maximè gaudent, cuius afflatu lætiores euadunt.
- 14 Greges cōtra Aquilonem pascentes, ab eius afflatu lippitudinem & alui defluuia contrahere testantur antiqui. Ad quæ accedit quòd qui foeminas ex grege uel armento concipi uolet, in septentrionalem uentū inire ut cogat, expedit. Hæc uiderit opiliones.
- 15 Aquilonis hyems satis omnibus utilissima esse censeatur: quā si tepidi sequetur imbres, optimū erit. Nā arbores foetu exinanitas, & foliorū spolijs læguidas, naturale est esurire: cib⁹ autē illarū est imber: quē ptinus cōceptus seu germinatio opportuno tēpore & loco, sequi solet. Aquiloniæ hyemis commoditates.

Flante